



ENERGOPETROL d.d. Sarajevo

U skladu sa članom 18. Pravilnika o emisiji vrijednosnih papira („Službene novine Federacije BiH“ br. 18/09, 87/10, 112/12, 103/14),

ENERGOPETROL DD SARAJEVO

Na osnovu člana 36. Zakona o tržištu vrijednosnih papira („Službene novine Federacije BiH“, brojevi 85/08,109/12,103/14, 86/15, 25/17), Pravilnika o emisiji vrijednosnih papira („Službene novine Federacije BiH“, brojevi 18/09, 87/10, 112/12 i 103/14), te Odluke o emisiji redovnih (običnih) dionica putem javne ponude broj: S-23-03/17 (u daljem tekstu: Odluka), Energopetrol d.d. Sarajevo objavljuje:

JAVNI POZIV

ZA UČEŠĆE U EMISIJU REDOVNIH (OBIČNIH) DIONICA PUTEM JAVNE PONUDE

Komisija za vrijednosne papire Federacije BiH je dana 23.11.2017. godine donijela Rješenje broj 03/1-19-364/17, kojim se Energopetrolu d.d. Sarajevo odobrava emisija redovnih (običnih) dionica javnom ponudom.

Društvo upućuje poziv svim zainteresiranim domaćim i stranim investitorima, pravnim i fizičkim licima za upis i uplatu redovnih (običnih) dionica pod uslovima utvrđenim Odlukom Skupštine dioničara broj S-23-03/17 i Prospektom emisije redovnih (običnih) dionica putem javne ponude Energopetrol d.d. Sarajevo.

Podaci o vrijednosnim papirima koji su predmet emisije i o načinu emisije:

Nominalna vrijednost ukupne emisije iznosi: 131.000.000,00 KM (stotinutridestjedanmilijon konvertibilnih maraka);

Nominalna vrijednost dionice: 12,50 KM (dvanaest i 50/100 konvertibilnih maraka);

Broj emitovanih dionica: 10.480.000 (desetmilionačetiristotineosamdesethiljada) dionica;

Prodajna cijena po dionici: 12,50 KM (dvanaest i 50/100 konvertibilnih maraka);

Procenat uspjehnosti emisije: 90% ukupnog broja ponuđenih dionica, odnosno upis i uplata najmanje 9.432.000 dionica (devetmilionačetiristotinetricesdvijehiljade) ili iznos od 117.900.000,00 KM (stotinusedamnaestmilijonadevetstotinahiljada konvertibilnih maraka).

Period trajanja emisije: od 08.01.2018. od 08:00 sati do 16.02.2018. godine do 15:00 sati.

Osnovna prava vlasnika običnih (redovnih) dionica su definisana Odlukom i Prospektom ove emisije.

Agent emisije i Banka depozitar u ovoj emisiji dionica je Raiffeisen BANK dd BiH.

Potencijalni investitori se mogu obratiti Banci depozitaru na adresu: Zmaja od Bosne b.b., sprat VIII, kontakt osoba Dragomir Grgić, 71000 Sarajevo, tel.: +387 33 287 126, faks: +387 33 287 272, e-mail: dragomir.grgic@raiffeisengroup.ba ili investicijsko.bankarstvo@raiffeisengroup.ba

Dionice Društva se emituju javnom ponudom i sadrže pravo preče kupovine za postojeće dioničare.

Po objavljivanju ovog Javnog poziva i početka emisije, **postojeći dioničari će moći iskoristiti svoje pravo preče kupovine od 08.01.2018. do 15.01.2018.** godine. U istom periodu trajat će upis i slobodnog dijela emisije, u kojem će svi zainteresirani investitori biti u mogućnost izvršiti upis emitovanih dionica do ukupnog iznosa definiranog Odlukom o emisiji.

Upis dionica kupci će vršiti ispunjavanjem Izjave o upisu (upisnice) u tri primjerka kod Banke depozitara, na upisnom mjestu u Raiffeisen *BANK* dd BiH, Zmaja od Bosne bb, 71000 Sarajevo, Bosna i Hercegovina. Upis se može izvršiti lično ili putem punomoćnika (ovjerena punomoć u opštini ili kod javnog bilježnika) za fizička lica, odnosno zakonskog zastupnika za pravna lica, uz priloženu punomoć pravnog lica (ovjerenu od strane javnog bilježnika).

Investitori koji su upisani u Registar vrijednosnih papira Federacije BiH, kao vlasnici dionica Energopetrol d.d. Sarajevo (postojeći dioničari), a koji ostvaruju upis dionica putem prava preče kupnje, uz popunjenu Izjavu za upis (upisnicu), dužni su priložiti kopiju identifikacionog dokumenta za fizičko lice (lična - osobna karta ili pasoš - putovnica), a za pravno lice dostavlja se ovjerena kopija aktualnog izvoda iz sudskog registra, ne starija od tri mjeseca. Za zastupnika/punomoćnika pravnog lica neophodno je obezbijediti ovjerenu kopiju identifikacionog dokumenta (lična - osobna karata ili pasoš - putovnica).

Upisnik, fizičko lice (novi dioničar), obavezan je Banci depozitaru priložiti ovjerenu kopiju identifikacionog dokumenta lična - osobna karta i CIPS - potvrda mjesta prebivališta za rezidente ne starija od tri mjeseca, odnosno ovjerenu kopiju pasoša - putovnice za nerezidente.

Upisnik, pravno lice (novi dioničar), obavezan je Banci depozitaru priložiti ovjerenu kopiju aktualnog izvoda iz sudskog registra, ne stariju od tri mjeseca i ovjerenu kopiju identifikacionog dokumenta zakonskog zastupnika/punomoćnika pravnog lica.

Obrazac Izjave za upis (upisnicu) potencijalni investitori mogu preuzeti na web stranici Banke depozitara: <https://raiffeisenbank.ba/bhs/menu/view/1060/izjava-o-upisu-dionica->

Uplata dionica vrši se u periodu od 16.01.2018. godine od 8:00 sati pa do 15.02.2018. godine do 15:00 sati.

Uplata za dionice ove emisije vrši se u novcu prema instrukciji Banke depozitara Raiffeisen *BANK* dd BiH, koju će Banka dati Upisniku prilikom upisa dionica.

Dionice koje su upisane i uplaćene poslije korištenja prava preče kupovine biće priznate prema redoslijedu upisa kod Banke depozitara.

Prospekt ove emisije dionica je objavljen na web stranici Društva www.energopetrol.ba, na stranici Agentu emisije: <https://raiffeisenbank.ba/bhs/menu/view/439/usluge-agenta/pokrovitelja>, a isti se može preuzeti u prostorijama društva Energopetrol d.d. Sarajevo i na mjestu upisa Banke depozitara, Raiffeisen *BANK* dd BiH, Zmaja od Bosne bb, 71 000 Sarajevo.

Kontakt osobe za dodatne informacije Emitenta su:

Selma Šahinpašić – Sekretar Društva, tel: +387 33 567 142 i Elma Troković - Direktor Službe Riznice, tel: +387 33 723 935.

ENERGOPETROL d.d. Sarajevo